

Broj: 02C-9513-17/23

Datum: 09.11.2023. godine

Na osnovu odredbi člana 64. stav (1) tačka b), člana 70. stavovi (1), (3) i (6) Zakona o javnim nabavkama („Službeni glasnik BiH“, broj: 39/14, 59/22), člana 8. stav (2) tačka d) Pravilnika o uspostavljanju i radu Komisije za nabavke („Službeni glasnik BiH“, broj: 103/14) i člana 27. Statuta Javne ustanove Opća bolnica „Prim. dr. Abdulah Nakaš“, na osnovu Rješenja o usvajanju žalbe, broj: 02C-9513-16/23 od 09.11.2023. godine, u postupku javne nabavke roba – Kombinovani frižider za pohranu uzoraka i regenasa, direktor Javne ustanove Opća bolnica „Prim. dr. Abdulah Nakaš“ je donio

**ODLUKU**  
**o izboru najpovoljnijeg ponuđača**

**Član 1.**

Ugovor za javnu nabavku roba: Kombinovani frižider za pohranu uzoraka i regenasa dodjeljuje se ponuđaču INEL BH d.o.o. Maglaj za ukupnu cijenu od 14.000,00 KM bez uračunatog PDV-a odnosno 16.380,00 KM sa uračunatim PDV-om kao jedinom kvalifikovanom ponuđaču.

**Član 2.**

Postupak iz člana 1. ove Odluke proveden je metodom „konkurentski zahtjev za dostavu ponuda“, te je nakon otvaranja ponuda provedena „E-aukcija“, a za izbor najpovoljnijeg ponuđača korišten je kriterij „najniža cijena“. Ugovorni organ je u Tenderskoj dokumentaciji predvidio provođenje E-aukcije.

Međutim, shodno Rješenju o usvajanju žalbe, broj: 02C-9513-16/23 od 09.11.2023. godine, poništava se provedena E-aukcija u skladu sa članom 3. stav (3) Pravilnika o uslovima i načinu korištenja E-aukcije („Službeni glasnik BiH“ broj 66/16) u slučaju prijema jedne prihvatljive ponude E-aukcija se ne može zakazati, nego se postupak okončava u skladu sa članom 69. Zakona o javnim nabavkama („Službeni glasnik BiH“ broj 39/14, 59/22).

**Član 3.**

U postupku nabavke iz člana 1. ove Odluke zaprimljena je 1 (jedna) kvalifikovana ponuda ponuđača:

1. INEL BH d.o.o. Maglaj, sa ukupnom cijenom ponude:
  - do 14.000,00 KM bez uračunatog PDV-a;

U postupku nabavke iz člana 1. ove Odluke zaprimljena je 1 (jedna) nekvalifikovana ponuda ponuđača:

1. EMEDING d.o.o. Sarajevo, sa ukupnom cijenom ponude:
  - do 13.300,00 KM bez uračunatog PDV-a;

**Član 4.**

Izabrani ponuđač INEL BH d.o.o. Maglaj se oslobađa obaveze dostavljanja originala ili ovjerenih kopija dokumentacije iz člana 45. i 47. Zakona o javnim nabavkama, jer je iste dostavio uz ponudu.

### **Član 5.**

Prijedlog okvirnog sporazuma dostavit će se na potpis izabranom ponuđaču nakon isteka roka od 10 (deset) dana, računajući od dana prijema Odluke o izboru najpovoljnijeg ponuđača.

### **Član 6.**

Ova Odluka objavit će se na internet stranici Javne ustanove Opća bolnica „Prim. dr. Abdulah Nakaš“ ([www.obs.ba](http://www.obs.ba)), istovremeno sa upućivanjem ponuđačima koji su učestvovali u postupku javne nabavke, u skladu sa odredbama člana 70. stav (6) Zakona o javnim nabavkama.

### **Član 7.**

Ova Odluka stupa na snagu danom donošenja, i dostavlja se ponuđačima koji su učestvovali u postupku javne nabavke, u skladu sa odredbama člana 71. stav (2) Zakona o javnim nabavkama.

## **Obrazloženje**

Postupak javne nabavke pokrenut je Odlukom o pokretanju postupka javne nabavke, broj: 02C-9513-1/23 od 14.09.2023. godine. Javna nabavka je sprovedena putem konkurentskog zahtjeva za dostavu ponuda. Procijenjena vrijednost javne nabavke bez PDV-a je 16.000,00 KM.

Obavještenje o nabavci broj: 1125-7-1-305-3-231/23, poslato je na objavljivanje dana 03.10.2023. godine, a objavljeno je na Portalu javnih nabavki dana 03.10.2023. godine, a u „Službenom glasniku BiH“ br.69/23 od 06.10.2023. godine.

Komisija za nabavku, imenovana je Rješenjem broj: 02C-9513-2/23 od 14.09.2023. godine. Komisija za javnu nabavku dostavila je direktoru Javne ustanove Opća bolnica „Prim. dr. Abdulah Nakaš“, Zapisnik o pregledu i ocjeni ponuda broj: 02C-9513-7/23 od 30.10.2023. godine, Preporuku o izboru najpovoljnijeg ponuđača broj: 02C-9513-8/23 od 30.10.2023. godine i Izvještaj o radu broj: 02C-9513-9/23 od 30.10.2023. godine, u postupku javne nabavke roba: Kombinovani frižider za pohranu uzoraka i regenasa.

Na osnovu dostavljenih akata Komisije za nabavku, Ugovorni organ je sačinio Odluku o izboru najpovoljnijeg ponuđača, broj: 02C-9513-10/23 od 01.11.2023. godine.

Dana 08.11.2023. godine, Ugovorni organ je zaprimio Žalbu ponuđača INEL BH d.o.o. Maglaj, izjavljenu na Odluku o izboru najpovoljnijeg ponuđača, broj: 02C-9513-10/23 od 01.11.2023. godine.

Ugovorni organ je Rješenjem, broj: 02C-9513-16/23 od 09.11.2023. godine, utvrdio da je Žalba u cijelosti osnovana, poništio Odluku o izboru najpovoljnijeg ponuđača, broj: 02C-9513-10/23 od 01.11.2023. godine, te iz tih razloga donosi ovu Odluku.

- da je ponuda ponuđača INEL BH d.o.o. Maglaj kvalifikovana i prihvatljiva, da su dostavljeni svi traženi dokazi propisani tenderskom dokumentacijom, na propisan način.
- Ponuda ponuđača EMEDING d.o.o. Sarajevo je neprihvatljiva u skladu sa odredbama člana 68. stav (4) tačka i) Zakona o javnim nabavkama („Službeni Glasnik BiH“ broj 39/14, 59/22), iz razloga što je utvrđeno da postoji neslaganje podataka iz ponude ponuđača, web kataloga i podataka sa web stranice ponuđača.

Iz navedenih razloga, primjenom odredbi člana 64. stav (1) tačka b) Zakona o javnim nabavkama, člana 70. stavovi (1), (3) i (6) Zakona o javnim nabavkama („Službeni glasnik BiH“, broj: 39/14, 59/22), člana 8. stav (2), tačka d) Pravilnika o uspostavljanju i radu Komisije za nabavke („Službeni glasnik BiH“, 103/14), i člana 27. Statuta Javne ustanove Opća bolnica „Prim. dr. Abdulah Nakaš“, odlučeno je kao u članu 1. ove Odluke.

#### **POUKA O PRAVNOM LIJEKU:**

Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke. Žalba se izjavljuje Kancelariji za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu: **Javna ustanova Opća bolnica „Prim. dr. Abdulah Nakaš“, Kranjčevićeva broj 12, Sarajevo.** Žalba se podnosi u najmanje 3 (tri) primjerka.

Pripremila:

Aldijana Ećo Ajkunić, BA prava, službenik za javne nabavke

Kontrolisala:

Amira Petrović, BA općeg prava, šef Odsjeka za javne nabavke



**DIREKTOR**

Prof. dr. Ismet Gavrankapetanović

#### **Dostaviti:**

- Ponuđaču: EMEDING d.o.o. Sarajevo, Azize Šaćirbegović bb, PO-6, 71 000 Sarajevo
- Ponuđaču: INEL BH d.o.o. Maglaj, Aleja ljljlana bb, 74 250 Maglaj
- Odsjek za javne nabavke
- Odjeljenje za ekonomsko finansijske poslove
- Komisiji za javne nabavke